

Ministro Croes ta señala

TIN HOPI TRABAO PA WORDO HACI AINDA

ORANJESTAD(AAN)— E tabata contento cu e logronan di ultimo tempo, manera e aprobacion di Staten dia 27 di Mei na e cambionan ariba tereno estatal den cuadro di realizacion Status Aparte y tambe e aprobacion di Tweede Kamer na cambio di Statuut.

“Pero ainda tin hopi cos pa haci”, Ministro Hendrik Croes a bisa ayeranochi, enfatizando e concretizacion di organizacion di Cuerpo Policial di Aruba.

Ministro Croes a lamen-

ta e actitud di e sindicato di Polis, pa motibo cu segun el a bisa, dia 13 di Mei a keda conveni cu e rapport di e grupo mixto di trabao di polis lo ta e guia pa reglamentu un que otro pa e Bond Antillano y esun Arubano.

Den seis luna di tempo lo por duna publicidad y informacion pa keda persona por mira e realidad.

Encuanto nombramento di un Comisario, Ministro Croes por a bisa cu esaki lo tuma lugar durante ultimo lunanan di aña o

cuminzamento di otro aña. Un nomber no por a wordo menciona ainda, comoquiera cu Aruba no por tuma tal decision mientras cierto asuntunan ainda no ta concretiza.

Un Comision consistiendo di e funcionarionan Nicolaas, Evertsz y Booi lo mester bay papia cu tur esnan cu a entrega nan peticion pa traslado. E carta cu mester bay pa agentenan, pa muestra cu tur hende mester tuma un decision, ya a wordo firma pa e gobernantenan concerni.

Ministro Croes a alerta esnan cu a pidi traslado, cu mester tene cuenta, cu segun e rapport ta muestra, despues di e traslado, Cuerpo Policial di Antillas por tin demasiado personal den servicio pa e otro islanan. E agentenan policial mester tene bon cuenta cu esaki, segun Ministro Croes a bisa ayera. E mandatario a expresa e preferencia di Gobierno Central pa tuma agentenan policial di e Cuerpo Antillano den servicio, Pero lo no por kita esnan cu kier traslado, di bay.

E ultimo recurso lo ta pa busca agente policial na Hulanda. Pero mientrastanto sindicato di polis na Hulanda a adverti su miembronan pa e problema cu a surgi den pasado cu atraccion di agentenan Hulandes na Antillas. Ministro Hendrik Croes a bisa cu e asunto aki a keda aclarea entre Diputado Nel Oduber y representantenan di e sindicato Hulandes. Cooperacion lo a wordo priminti na señor Oduber di parti di e sindicato di polis na Hulanda.

POSICION DI JEFENAN INTERINO NA VARIOS DEPARTAMENTO MESTER WORDO REGLA

ORANJESTAD(AAN)— E posicion di varios jefe interino di departamentonan di Gobierno mester keda regla proximamente, segun DIA—

RIO tin ententi. Tin Departamento nan cu pa basta tempo ta conta cu Jefenan interino cu ta en espera di decision gubernamental encuanto

nan futuro carera.

E pregunta cu tin varios hende preocupa, lo ta si ta bay regla e asunto aki awor o ta bay spera te despues di Status Aparte.

Aparentemente mester bay regla no solamente nombramentonan, pero lo tin varios departamento

caminda ainda no a regla asunto di rango oficial. Esey ta encera cu pa años lo tin promocion den e rangonan mas alto sperando y Gobierno lo mester bay tuma un decision proximamente.

Lo mester bay tuma

decision encuanto e schaal den cual cierto funcionarionan alto lo mester resorte, y segun informe tin casonan cu ta pendiente ya pa mas cu dos aña y cu lo mester keda regla pa esnan involvi sabi cu kiconan mester tene cuenta den futuro.

HECHO HISTORICO

ORANJESTAD(AAN)— Pa promer bez den historia di Reino, Ministronan Antillano a hiba palabra den Tweede Kamer Hulandes.

Un hecho historico, manera Ministro Croes a bisa ayera.

E Ministro Plenipotenciario, cu tin asiento den Gobierno di Reino, ta esun cu ta dirigi palabra na nomber di Gobierno Central corientemente. Alavez dos diputado Arubano, como asesor tambe a hiba palabra.

Segun Ministro Croes

COMPRESION DI SINDICATONAN PA WACHTGELDREGELING

ORANJESTAD(AAN)— Ayeratardi Ministro Hendrik Croes, di regreso for di Hulanda, a tene un encuentro cu prensa.

Na e ocasion, el a splica encuanto e acuerdo pa wachtgeldregeling, manera

a keda acorda entre Gobiernonan.

Segun Ministro Croes, e sindicatonan a demonstra comprension pa e situacion y e acuerdo cu a keda logra.

E landsambtenaren tin te dia 30 di October pa

studia e acuerdo y entrega nan decision.

Ministro Croes a bisa cu no ta e intencion pa kita ningun hende di trabao, pero si ta un hecho cu awor e trahadornan mester demonstra cu nan kier traha.

HUMA DEN NIGHTCLUB

ORANJESTAD(AAN)— Na Plata pa 2 or di merdia presencia di Cuerpo di Bombero a bira necesario, ora a mira huma ta sali for di un club nocturno.

Cuerpo di Bombero a

acudi rapidamente na e sitio y mester a constata cu un tubo TL di luz a kibra y a cuminsa manda huma. Cuerpo di Bombero no mester a drenta den accion y por a pasa nan pa evita candela.

HOMBER LO A PREPARA CAS PA CANDELA

ORANJESTAD(AAN)— Segun informenan cu cuerpo di bombero a ricibi durante fin di siman, na Diamantbergweg un persona lo a basha liquido rond di un cas y a cende esaki

na candela.

Personal di Cuerpo di Bombero cu a acudi na e sitio mester a paga yerbanan cu a cende na candela.

Ministro Croes a anuncia ayera

MEDIDA SALARIAL TA UN HECHO

ORANJESTAD(AAN)—Mester biba cu e realidad y esey ta encera cu e medida salarial general, esta cu lo kita 15 por ciento for di tur salario, ta un hecho cu cual lo mester bay biba den futuro.

Esaki a keda participa pa Ministro Croes ayera. Aunke el a refuta cu cantidad di hende lo perde trabao den Gobierno. Sinembargo, no por exclui retiro.